

## საინფორმაციო ფურცელი - #3

### ახალქალაქი ჰესის პროექტი

ახალქალაქი ჰესი („პროექტი“) მდებარეობს ახალქალაქის მუნიციპალიტეტში, სამცხე-ჯავახეთის რეგიონში, მდ. ფარავანსა და მდ. კორხზე. პროექტი წარმოდგენილია ორი დამოუკიდებელი წყალმიმღები ნაგებობით, ორი მინისქვეშა სადანწეო მილსადენითა და ორი სადგურით, ქსელთან საერთო მიერთებით. პროექტის საერთო დადგმული სიმძლავრეა 9.1 მგვტ, მისი წლიური გამომუშავება კი დაახლოებით 49 გვტ-ია.

პროექტი გამოიყენებს მდ. ფარავანისა და მდ. კორხის წყალს, გამომავალი წყალი კი ჩაედინება მდ. ფარავანში, არსებული ფარავანი ჰესის ზედა ბიეფში. გამომუშავებული ელექტროენერგია მიენოდება სახელმწიფო ელექტროქსელს ახალი 35 კვ გადამცემი ხაზის საშუალებით.

იმისათვის, რომ უზრუნველყოფილ იქნას საზოგადოების ხმა ფართო დონეზე, კომპანიამ პროექტის ზემოქმედების ქვეშ მყოფ თემებს შესთავაზა აერჩიათ დელეგატები თითოეული თემიდან.

დელეგატები წარმოადგენენ როგორც სოციალური პროექტების განხორციელების საკოორდინაციო პირებს, ასევე კომპანიის მხარდამჭერებს, საზოგადოების წევრების ინფორმირებულობისა და მათი უკუკავშირისათვის.

დეველოპერი კომპანია - შპს „აისი“ სამუშაოების შესრულებას საერთაშორისო სტანდარტების შესაბამისად ახორციელებს, რაც გამოიხატება გარემოსა და სოციალურ ასპექტებში ზემოქმედების მინიმუმადე დაყვანითა და ნულოვანი ზიანით ადამიანებისათვის. იგივე ამოცანების შესრულება მოეთხოვება კონტრაქტორს სამუშაოს შესრულების პროცესში.

### სოციალური პროგრამა

შპს „აისი“ გეგმავს მნიშვნელოვანი როლი შეასრულოს პროექტის ზემოქმედების ქვეშ მყოფი თემების მდგრადი განვითარების საქმეში და ამ მიზნით აფინანსებს სხვადასხვა სოციალურ პროექტს, რომლებიც ხორციელდება კონკრეტულ სოფლებში დადებითი სოციალურ-ეკონომიკური ცვლილებების მისაღწევად.

მიუხედავად იმისა, რომ კომპანიას არ გააჩნია რაიმე სახის ლეგალური მოთხოვნა, მისი კეთილი ნებაა ხელი შეუწყოს თემების მდგრადი განვითარების პროცესს.

იმ მიზნით, რომ პროექტის ზემოქმედების ქვეშ მყოფი სოფლების მოსახლეობას მუდმივად ქონდეს განახლებული ინფორმაცია, კომპანიამ შესთავაზა მოსახლეობას აირჩიოს თემის წევრები დელეგატებად/წარმომადგენლებად. სოციალური პროექტების განხორციელების პროცესში დელეგატები უდიდეს როლს თამაშობენ და ეხმარებიან კომპანიას საზოგადოების წევრებისთვის სხვადასხვა სახის ინფორმაციის მიწოდებაში.



გამომდინარე იქედან, რომ დელეგატების მოდელი წარმატებული აღმოჩნდა საზოგადოებასთან ნაცოფიერად თანამშრომლობისთვის, განსაკუთრებით კი Covid-19 პანდემიის კონტექსტში, გადაწყდა დელეგატების რაოდენობის გაზრდა.

„ახალქალაქი ჰესი“ აგრძელებს ადგილობრივი თემების მხარდაჭერას სოციალური პროგრამით. სოციალური პროექტების განხორციელების სტატუსი 2021 წლის 31 დეკემბრის მდგომარეობით წარმოდგენილია ქვემოთ:

პროექტი	სტატუსი	ბენეფიციარები
დილისკას სასმელი წყლის მილსადენი	• დასრულებული; გადაეცა მუნიციპალიტეტს	სოფელი დილისკას მცხოვრებნი
დილისკის ახალი სასაფლაოს გზის საფარი და სანიაღვრე სისტემა	• დასრულებული; გადაეცა მუნიციპალიტეტს	სოფელი დილისკას მცხოვრებნი
ქალწული ვარვარას ქუჩის გასწორება	• დასრულებული; გადაეცა მუნიციპალიტეტს	სოფელი დილისკას მცხოვრებნი
დილისკის ძველი სასაფლაოს პარკინგის ადგილის გასწორება	• დასრულებული; გადაეცა მუნიციპალიტეტს	სოფელი დილისკას მცხოვრებნი
კორხის სპორტდარბაზი	• მიმდინარე	სოფელი კორხის ახალგაზრდები
კორხის საცურაო აუზი	• დასრულებული; გადაეცა მუნიციპალიტეტს	სოფელი კორხის ახალგაზრდები
ორჯას სატუმბი სადგური	• დასრულებული	სოფელი ორჯას მცხოვრებნი

## სოციალური პროგრამა

## სტატუსი

## ბენეფიციარები

ორჯას სატუმბი სადგურის  
მილსადენის სადგურის  
რეაბილიტაცია


• განხორციელება დაიწყება

სოფელი ორჯას  
მცხოვრებნი

## ადგილობრივი მოსახლეობის დასაქმება

ადგილობრივი მოსახლეობისათვის განვითარების დამატებით ხელშეწყობის მიზნით, კომპანია ითვალისწინებს მათი პროექტზე დასაქმების ხელშეწყობას, შესაბამისი ტექნიკური ცოდნისა და უნარების გათვალისწინებით.

ქვემოთ მოყვანილ დიაგრამაში მოცემულია ადგილობრივი დასაქმების სტატისტიკა სამუშაო ძალის კუთვნილების მიხედვით 2021 წლის მე-4 კვარტალის მონაცემებით:

დასაქმება პროექტის ფარგლებში  
დიაგრამა



შპს „აისი“ უდიდეს მნიშვნელობას ანიჭებს უსაფრთხო და ჯანსაღ სამუშაო პირობების არსებობას. კომპანია ბრუნავს ოფისებისა და სამუშაო ბანაკების სათანადოდ აღჭურვაზე ყველა საჭირო ინვენტარით, რაც აუცილებელია COVID-19-თან დაკავშირებული რისკების თავიდან ასაცილებლად. ასეთი საშუალებებია: ნიღბები, სადემინფექციო ხსნარები და ბარიერები, ინფრანითელი თერმომეტრები, ტემპერატურის აღრიცხვის ჟურნალი, გამაფრთხილებელი ნიშნები და ჯანმოს რეკომენდაციების საინფორმაციო პლაკატები; ყველა თანამშრომელი ვალდებულია ატაროს ნიღაბი/პირბადე და დაიცვას სოციალური დისტანცია. გარდა ამისა, როგორც კონტროლის მექანიზმი, კომპანიამ დაიწყო პერსონალის ინტენსიური ტესტირება COVID-19 სწრაფი ანტიგენის ტესტებით. დასაქმებულები შემთხვევითობის პრინციპით მონმდებიან ყოველდღიურად.



### დაინტერესებული მხარეების ჩართულობა

კომპანიის გუნდი აცნობიერებს, რომ დაინტერესებული მხარეების წარმატებით ჩართვა პროექტის განხორციელების პროცესში საჭიროებს უწყვეტი კომუნიკაციის ნაკადის შემქნას, დაინტერესებული მხარეებისთვის საჭირო ინფორმაციის შესახებ მონაცემების მიწოდებას.

კომპანიის გუნდის მიერ ხორციელდება რეგულარული შეხვედრები ზემოქმედების ქვეშ მოქცეული თემების გამგებლებთან, სოფლისა და მუნიციპალიტეტის წარმომადგენლებთან.

საჩივრების დროული და ეფექტური მართვისა და მათი კონსტრუქციულად გადაჭრის ხელშეწყობის მიზნით კომპანიამ შეიმუშავა დაინტერესებული მხარეების საჩივრების მექანიზმი.

პროექტის ფარგლებში შემუშავებული საჩივრების მექანიზმი ხელმისაწვდომია ყველა დაინტერესებული მხარისთვის. საჩივარი შეიძლება ეცნობოს კომპანიის გარემოსდაცვით და სოციალურ მენეჯერს და საზოგადოებასთან ურთიერთობის ოფიცერს სიტყვიერად, წერილობით, ელექტრონული ფოსტით, ტელეფონით ან პირადი შეხვედრისას. მათი საკონტაქტო ინფორმაცია ხელმისაწვდომია თემის წევრებისათვის და მოცემულია კომპანიის ვებ-გვერდზე: <http://www.ais-georgia.ge/>

